

欽定剿平三省邪匪方略

欽定剿平三省邪匪方略正編卷二百二十三

庚申年

十二月初九日

丁巳德楞泰勒保奏言竊

臣

前在

西鄉邊境逼賊入川因探知楊開第李炳等五

股匪衆合爲一夥向巴州南埡場一帶東奔當

卽督兵星夜追剿

臣

勒保亦探知此股賊匪人

數衆多亟須迎頭攔截適將劉朝選股內剿剩

餘匪辦完亦卽帶兵追擊查此夥賊匪自寧羌

廣元南江直竄巴州沿途並不殺人放火行走

甚速

臣

德楞泰連日緊追雖將落後賊匪及逃

出難民殲獲百餘名而其大夥亡命狂奔正慮

前無攔截適

臣

勒保於二十七日行抵渠縣余

家壩探知賊至佛樓寺地方係走營渠大道當

卽派令總兵薛大烈副將張績倭星額等帶兵

由復興場右手壓梁而進

臣

督同阿哈保永寧

侍衛花品莫爾歡保塔什拉並副將唐朝臣田
朝貴叅將羅聲臯等直趨佛樓寺大路均於四
更發兵黎明將到安仁溪正遇賊匪探馬七八
十騎步賊數十人歌唱而來薛大烈在山梁瞥
見讓令過去旋即帶兵下山截住適臣與阿哈
保前隊馬兵趕到該匪等始猶衝突繼見官兵
勢衆卽折身奔逃我兵長驅追逐薛大烈亦卽

迎截前來當將此起賊探立時擒殺淨盡

臣勒

保因該匪等大隊在後既無賊探報信必不知
前有官兵正可出其不意痛加截殺惟令各官
兵掩旗疾走行未數里至騎龍寨垭口見對面
山梁賊衆紛紛而下一見官兵卽搖旗吶喊放
鎗抵敵我兵鎗礮齊發奮力下壓將山溝賊匪
截斃數十人餘皆奔上山梁悉力抗拒阿哈保

薛大烈永寧帶領馬步官兵不避鎗石首先搶
上大梁射死執旗騎馬賊目二名殺賊十餘名
餘衆大潰追過大山數重自渠縣安仁溪至巴
州之兩臺山約行一百二三十里時已昏黑沿
途殺斃並跌巖身死者約有一千四五百名生
擒七百七十三名凡經過之雷成寨插旗山九
嶺寨等處團勇均下寨幫同截堵悉聽其搶獲

牛馬行李包裹無算歡聲動地官兵奪獲大礮
一個鎗矛器械三百八十六件大小賊旗二十
八面騾馬牛四百五十五頭匹均經分賞出力
兵勇於活賊內訊出黃號齊家營股內僞總兵
熊魁元藍號李炳股內僞先鋒苟文忠探馬頭
陳國才白號楊開第顏勝可魏棒棒股內探馬
頭何才龍升張永富等六名並於賊屍內認出

藍白兩號旗首楊元左右有貴探馬頭陳宗可方

得中等四名

臣

勒保一面審辦現獲各犯一面

派兵搜山當令阿哈保薛大烈挑帶馬步官兵

卽行追躡該匪等經此痛剿亡命而奔竟連夜

翻山向儀隴境內竄逸

臣

德楞泰是夜至靈岡

寺間

臣

勒保一路已將賊衆截住得有勝仗並

探知賊匪蹤跡在水沱溪一帶相距不過二三

十里恐賊知覺隨紮營低窪山坳並傳令夜間
不許舉火查該處道路分歧因分兵兩路於二
十九日寅刻進發溫春阿穆勒塔色爾滾帶領
侍衛阿納保蘇爾伸總管富登阿副將蒲尙佐
叅將李應貴等督率馬步兵勇由右手水沱溪
前進天甫黎明抵走馬坪卽趕上賊尾遙見賊
衆蟻聚饒行我兵直前剿殺斃賊十餘名該匪

大駭竟敢佔踞大垵口搖旗吶喊放鎗拋石舍
死抵敵溫春等當令步兵在前仰攻馬隊由山
溝繞出賊後奮勇夾擊賊見前後皆兵立形慌
亂我兵乘勢搶上斃賊百餘名侍衛蘇爾伸帶
索倫兵數名衝入賊隊連斃馬賊十數名復有
騎馬賊數人持矛直撲蘇爾伸身受矛傷幸不
甚重當經色爾滾等督兵衝射賊始退却馬步

官兵奮力趕追沿途斃賊百餘人餘賊向儀隴

觀音河遁逸維時

臣

德楞泰正督率賽沖阿馬

瑜侍衛富僧德達爾精阿慶昌副將達自祥泰

將唐玉龍等由梨山場趕抵觀音河當卽迎頭

截剿斃賊二百餘人將賊衆截爲三段前後亂

竄溫春等帶兵向玉青山追趕

臣

德楞泰督率

大隊向官陞寨緊追遙見分有一股約百餘人

遁入寨下深溝當令侍衛董勒精阿慶昌遊擊
馬文斌帶兵進溝查此溝祇有上寨一線之路
寨勇用礮轟擊不敢直前我兵由溝內直入生
擒楊昌壽等三十七名其餘賊匪一百十三名
盡數殄戮據楊昌壽等指稱首逆齊國謨已被
殺死當卽割取首級呈驗至臣德楞泰與溫春
等追躡兩股賊匪至高山旺地方仍合爲一路

我兵協力圍圍箭射矛戳立斃賊匪四百餘名
生擒藍號李炳之子李朝坤賊營內稱少元帥
白號僞總兵王得江陳文及楊開第之師余國
明副元帥馮中謙並旗首冉添福岳興才米勒
王仕恒採馬頭蘭鳳林尹廷華楊昌年餘匪卽
萃並難民趙惟芳張袁氏等八百三名口搶獲
鎗矛器械馬騾甚多至首逆楊開第被官兵於

觀音河截斷祇帶百餘人向柏林場潛逃適

臣

勒保先派阿哈保薛大烈帶兵追來該匪等一

見又復折竄我兵盡力窮追殺斃六十餘名生

擒王匡士等四十五名該犯等僉稱楊開第先

受箭傷繼被衆兵亂矛戳斃當於各屍內指認

確實割取首級呈獻

臣

勒保並令熊魁元等逐

一辨認皆稱實係楊元帥無疑

臣

勒保隨即督

兵起至

臣

德楞泰軍營會同查訊兩路官兵現

獲各犯僉供此起匪衆係藍號之李炳陳朝觀
白號之楊開第顏勝可張世龍魏棒棒黃號之
齊國謨等股兩月來總在南江廣元寧羌沔縣
等州縣邊境山林遊奕因陝西地道有兵防禦
不能竄去川東川北圍寨嚴緊無可擄掠想要
聚集各股人衆渡過嘉陵江到川西壩過年陸

續其湊有八千餘人探聞臣等兩路官兵均在

太平邊界已過陝西境內只有七十五在廣元

一帶駐劄各首逆相商若由廣昭一帶竄渡恐

七十五帶兵追截莫若分出李炳楊開第顏勝

可魏棒率齊國謨等五千餘人直奔川東仍向

定遠合州一帶過江陳朝觀張世龍帶領三千

餘人暫在廣元寧羌邊界往來牽制迨七十五

知有大夥東奔帶兵追趕陳朝觀等卽乘間或渡白水河或過嘉陵江使其兩處不能兼顧不料行至安仁溪忽有大兵到來攔住截殺次日逃在儀隴境內又被官兵分路衝殺通其損傷三四千人今所剩不過千名楊開第齊國謨兩人首級我們已經認驗屬實至李炳顏勝可魏棒棒等只帶數百人先走其餘零星散竄想不

是躲進老山仍是歸入陳朝觀殿內等語當將
熊魁元李朝坤大小賊目十八名全行斷割示
衆又襄陽老教匪朱雨等一百七十五名從賊
日久之何有玉等五百六十三名卽行正法被
脅難民趙惟芳張袁氏等九百零二名口其中
陝甘人甚多均交總理道嚴士鉉石作瑞酌發
銀米就近發交地方官給票遣令回籍安插

臣

等伏查齊王氏餘黨係伊姪齊國謨爲帥楊開
第自伊兄楊開甲被戮後卽自立爲帥總在川
陝邊界往來滋擾均係著名首逆日久稽誅今
幸仰仗

天威連斃二逆實足以快人心而彰

國法現據探報李炳等餘匪向恩陽河會口兩處
分竄_臣等亦卽督兵馳往追剿務將此起敗殘

餘孽併力殲除再行籌剿南廣邊境之賊並知
會七十五郎在廣元一帶顧住江岸將賊截赴
南巴境內以便臣等儘力剿辦可冀尅期蕆事
此次兩路打仗兵勇僅傷亡數人另行咨部

德楞泰勒保又奏言臣等欽奉

諭旨飭令將辦理川省軍務究竟年內是否可以蕆

功之處據實速奏伏念臣等沐

恩昇以剿賊重任日久未能藏事實無顏仰對

聖慈前因川境腹地肅清而陝楚竄匪均遁入邊境

老林若不設法兜回斷無株守邊隘待賊竄川

再行剿辦之理是以商定臣德楞泰帶兵赴川

陝邊界逼賊向西臣勒保卽在山外截擊斷不

敢稍存畛域之見僅以驅出川境爲了事今因

楊開第等各股竄匪分夥欲竄過江當卽分投

兜截斬獲三四千人大獲勝仗并將首逆楊開
第齊國謨殲斃事機極爲順利祇有李炳等敗
殘餘匪向北折竄現在分路追躡可冀尅日殲
除至陳朝觀等股尙在廣元境內現催七十五
上緊剿辦縱未能立時辦完必當遏賊竄陝逼
令東來庶剿辦更易爲得力就目下川省軍情
而論將此數股餘匪趕緊辦竣年內原可肅清

但川楚陝三省同辦一事縱使川省無賊而陝楚境內或未一律蕩平均係臣等未竟之事是

以臣等會商原盼陝楚之賊全數入川可冀併

力痛剿若此後陝楚之賊竟不竄來則祇有此

川北境內賊匪臣等務於年內趕辦全完將邊

隘事宜會商料理妥當臣勒保與七十五只可

在本省剿堵臣德楞泰卽移師入陝會同一額勒

登保合力辦理斷不敢稍有因循自取咎戾至
節次打仗所獲被擄民人甚多臣等仰體

聖主如天好生之德各給銀米路票省釋均係隨營
道員嚴士鉉石作瑞二人督同委員審訊明確
每起各給

盛世良民黃旗一面派令妥弁管押赴附近州縣
交地方官查明籍貫逐程遞送回籍各州縣均

有經過收管報案冊籍可查到籍後俱令查照

臣

勒保前在經畧任內奏定章程妥爲安頓據

臣

等愚見川省辦理安撫之策似已周妥縱或

有一二匪徒自行割去髮辮假充難民誑騙路

票到手又復潛逃或回籍後仍復習教滋事者

均經通飭各州縣隨時查拏業經嚴辦數起現

各畏法相安其中別無難辦之處轉不必多立

科條致生疑懼臣勒保惟當欽遵迭奉

諭旨督率妥辦務期撫輯得宜上將

慈廑均奏入

上命軍機大臣傳諭德楞泰勒保曰楊開第齊國謨
在川陝邊界往來滋擾日久稽誅今經德楞泰勒
保督率官兵分路截殺先後共殺賊三千餘名生
擒七八百名殲戮首逆楊開第齊國謨並擒獲偽

總兵先鋒賊目多名所辦甚屬可嘉前因德楞泰勒保將黃白藍線四號之賊縱令竄陝是以降旨將德楞泰降爲一等男勒保降爲四品頂戴以示薄懲今德楞泰等擊剿川北境內各股竄匪大獲勝仗殲厥渠魁德楞泰著加恩賞給三等子勒保賞給三品頂戴并各賞御書福字一個普迓春禧所有打仗奮勇之阿哈保薛大烈永富俱著交部

議敘侍衛蘇爾伸帶索倫兵數名衝入賊隊射死
馬賊十數名身受矛傷甚爲出力著德楞泰等查
明蘇爾伸如係二三等侍衛卽著陞一等示獎如
已係頭等侍衛卽著奏明交部議敘至川省竄匪
經此番痛剿勢已潰敗爲數無多德楞泰本係叅
贊應卽遵照前旨速赴陝楚剿賊其應赴何路朕
亦不爲懸定德楞泰威名素著且川省大獲勝仗

各處賊匪自必聞風喪膽德楞泰惟當察探賊情
何處緊要卽赴何處奮力剿辦迅奏捷音更膺懋
賞其川省剿剩餘匪卽交勒保與七十五等併力
搜捕務須乘賊匪潰敗迅速肅除一俟川匪剿淨
勒保卽籌辦善後事宜並督率將弁仍在邊界嚴
防不必以越境兜擊他處賊匪爲事但有竄入邊
界之賊勒保惟當督率官兵實力剿殺卽於川境

辦竣勿任賊匪復行他竄

同日吳熊光奏言竊

臣

接據西路探報陝省江

北冉樊各股賊匪經大兵分路疊剿該匪等台

併一處向東奔竄昨經大兵在冷水河等處復

痛加剿殺該匪等舍命狂奔竄近大山岔一帶

等語

臣

查鎮安山陽等處業經額勒登保飭派

綸布春等帶兵馳赴各該處遏其東竄之路并

聞額勒登保統領大兵由子午峪前赴商州攔頭截剿所有豫省盧淞等處各隘口從前安設

官兵並未抽撤節經

臣

札飭該鎮將等照舊嚴

防似可不至蔓延但商鎮一帶崇山峻嶺路徑

紛歧該匪等詭詐異常誠恐大兵截急疑而走

險且

臣

駐紮省城距邊境遙遠一切調度未能

迅速

臣

自應親往盧氏地方就近督防以昭慎

重再漢南平利一帶尙有賊股在彼游奕卽襄
江岸臣亦已疊札臬司完顏岱等加意嚴防不
敢稍涉大意奏入

上命軍機大臣傳諭吳熊光曰陝省江北冉樊各股
賊匪經大兵分路疊剿向東竄近大山岔一帶吳
熊光以河南省城距邊界遙遠調度未能迅速卽
親往盧氏地方就近督防以昭慎重所見甚是現

在額勒登保已帶兵由大峪口子午峪繞赴藍田
商州一帶遏賊匪東竄之路想賊匪自不能再竄
商雒但商鎮一帶路徑紛歧賊匪詭詐異常難保
其不鋌而走險吳熊光仍當嚴飭常林田永桐等
於盧浙各隘口督率兵勇實力嚴防爲要此時額
勒登保迎頭截剿諒已得有勝仗該處距京稍遠
吳熊光如探有虛信卽一面迅速奏聞以慰廑注

至漢南平利一帶尚有賊股在彼遊奕而徐添德
一股昨據倭什布奏已竄入楚境該省則襄一帶
江岸與豫省毗連亦關緊要吳熊光務須飭令完
顏岱留心偵緝加意嚴防不可稍涉大意

同日

上命軍機大臣傳諭陝甘四川湖北各督撫曰各路
軍營剿辦教匪已閱五年之久迄今尙未歲事節

經降旨諭令各該督撫等務須督飭員弁實力堵禦以便大兵追擊可期得力乃近日各股賊匪仍前往來奔竄所謂堵禦者安在試思此等匪徒皆係內地亂民經朕派有經畧叅贊及領隊大臣等分路帶兵剿賊之事固其專責而各該督撫等身任封圻於此等亂民寧不應同心併力各按地方形勢扼要攔截若既不能督兵剿擊而於險要地

方又全仗統兵大員代爲防堵則各省邊境道路
紛歧豈能處處守禦嚴密賊匪出彼入此輾轉奔
逃必至官兵跟蹤追擊日形疲乏軍務何時始能
完竣卽如陝省地方前據該督等奏賊氛已遠南
山實已肅清未幾而川省各股賊匪又復紛紛闌
入湖北則於徐添德竄近楚境時尙稱二竹雖有
邊卡分兵堵禦並無大員督率爲臨渴掘井之計

卽四川築堡團練較陝楚稍爲認真而黃白藍線之賊由川竄楚後復經折回假道竄陝高馬等逆田甘竄川復由川竄回甘陝各該督撫於堵之一字竟屬有名無實不過以辦理糧餉藉口塞責似此怠玩因循以剿堵之事俱諉之統兵大員而置地方民生於膜視又安用此封疆大吏爲耶特此再行申諭各該督撫等務須各知愧勵不但賊蹤

竄近之處必須督率兵勇實力防堵卽無賊處所
凡遇賊蹤往來熟徑亦當預爲籌畫飭令文武員
弁率勇嚴防自爲捍衛以期賊勢日就窮蹙兵力
可施備仍前玩悞或於無賊處所退避不前僅行
文各地方官令其分投防堵仍以空言了事致賊
勢復成散漫剿捕不能得力則惟該督撫是問恐
不能當其罪也

初十日

戊午

姜晟奏言

臣

欽奉

諭旨令將散出難民作何安插之處據實覆奏伏念

臣

於本年二月甫抵襄陽卽以賊匪頻年滋擾

隨處裹脅必須招集流離始足散其黨與當經

仰體

聖主如天之德刊刷告示條約於賊竄必經之處遍
行張貼並札飭各府州縣於卡隘村鎮處所懸

旗設廠廣爲收撫并籌及就撫民人使其棲止
有所口食有資其籍隸遠方者酌給盤費妥爲
護送到籍之日或清查產業給還或分別量爲
安插嚴禁吏胥保甲人等欺凌恐嚇一切議定
章程均節次移知本省軍營並附摺奏

聞在案數月以來

臣

查本年安襄鄖荆四府州屬邑

內經賊匪竄擾處所居民大半俱已修築堡寨

互相保聚且聞風遠避均知預備周防不致輒
遭裹掠至軍營臨陣投出難民止稱隨時訊釋
給照回籍而每次投出人數究有若干係何州
縣民人從未據分晰知會辦理

臣現復遵

旨咨令倭什布長齡明亮等嗣後凡遇散出民人如
爲數無多卽從軍營遣回務當由翼長或糧員
點明人數開出住址詳晰稟知以便轉飭各原

籍地方遵照收撫其人數較多者應卽照告示
條例送交地方官查明妥送回籍庶於體卹之
中仍寓詳慎稽核之道奏入報

聞

十二日

庚申

額勒登保奏言竊

臣

於初一日由秦

嶺出子午峪山深林密冰雪載途抵大峪口道
路南就平衍遂令楊遇春穆克登布挑健壯馬

步兵儼程先進

臣

率同札克塔爾亦加緊行走

沿途探得賊匪仍分爲兩股先後逃竄於上月

二十九三十等日竄至大山岔沙坪等處逼近

孝義廳該處城垣業已修築完固當經該署廳

孫樹率領兵勇等堵擊斃賊二十餘名賊匪未

能北竄折向東南走鎮安之舊縣關至山陽境

內初四日楊遇春穆克登布等所帶之兵追抵

商州據報前股冉學勝賊匪約有二千餘人於
初二日竄至山陽之九里坪次日竄牛耳川并
有探馬數十人徑至山陽城邊該令等在城施
放鎗礮賊匪未敢停留卽由縣東出高壩店竹
林關一帶奔逸等情臣查得距商州一百數十
里之龍駒寨係赴豫要路往東可以抄出賊前
卽飛飭楊遇春穆克登布等帶兵急由陂林鋪

赴龍駒寨攔截冉學勝股匪初五日臣帶同札

克塔爾等亦抵商州偵探後股樊人傑王士虎

冉添士等逆其有三四千人初四日從色和舖

峒峪口西溝有奔黑山向東之勢山路紛歧臣

一面帶兵在商州控扼一面卽令札克塔爾桑

吉斯塔爾帶領馬步官兵由金嶺川趕往黑山

截剿詎該匪聞有官兵連夜由馬家山復向西

南折竄又接楊遇春等具報由龍駒寨進發之後現已抵商維鎮查冉學勝股匪已竄至土門一帶若該匪直趨豫境我兵已扼其前若旁竄

楚境則我兵亦可顧及並查

臣

前經派往之綸

布春汪啟等連日帶兵由鎮安躡蹤而進初五日已過山陽刻計可與楊遇春等兩路並擊

臣

復嚴飭該提鎮等務須緊顧豫楚在商維邊界

將冉學勝股匪併力掃淨至

臣

與扎克塔爾雖

已將樊人傑等匪截向西南而該匪等詭詐多

端我兵一經追剿該匪若仍由別路東繞商徃

與冉學勝股匪合竄轉恐恃其人衆任意衝突

臣

今於商州之東龍山暫紮察探兩路賊蹤相

機策應如楊遇春等日內將冉學勝賊股掃滅

我兵聲威愈壯倘殲剿後尚有零星餘匪亦令

通向西南與臣自東而西併力趕剿逆等股

自易得手此次各該匪晝夜東奔幸臣帶兵由

子午峪藍田等處倍道西來分路兜截該匪等

未得竄入豫楚臣惟有隨時酌度情形趕緊辦

理以慰

聖心廑注

額勒登保又奏言查教匪狂悖已甚據拏獲活

賊僉供該匪等奸謀將鄉村掠盡城池自破并

於深山疲我兵力實堪髮指

臣

本意欲逼賊全

歸川陝之交聚而剿洗日前漸有歸宿不料又

致變更該匪等傳言以河南爲天下之中注意

在彼又賊衆半屬鹽梟私鑄之流欲返故處蓄

心又在湖北

臣

查現竄江北數股賊匪我軍分

路兜截刻冀剿滅倘或未得辦盡仍逼過漢南

北岸肅清除將漢南之兵分撤厚集江岸嚴密
堵截外大兵分路無論何股竭力跟剿向東南
逼進務將各匪盡數驅於西鄉紫陽安康平利
太平界內各該縣境俱係層山疊嶺密菁深林
此時該匪一入西紫太平勢必於山林藏匿一
面飛咨川省於大寧開縣交界之所厚集兵勇
設卡堵截并囑德楞泰帶川省重兵從界嶺之

南由通太以西向東北而進陝省之兵由南鄭
西鄉向東逼剿彼此併力趕辦卽一時不能掃
除該匪不能逞其狂竄伎倆必困於山林之中
亦屬易於辦理若於地勢急切不能得手我兵
緊顧西南相機逼剿該匪旣無食可掠不能久
匿老林自必從東竄出令楚省竭力堵禦則川
陝之兵列隊而進可收夾擊之效倘楚省路徑

叢雜無險可扼竟將該省兵勇撤歸荆襄大道
各城并防江岸川陝之兵隨後緊躡追剿一面
在剿兵之後趕修寨堡安設卡隘兵勇聯絡互
相守禦總不使之折竄我兵步步逼進彼處三
面濱臨大江不但不慮其蔓延定可一鼓掃蕩
如此辦理較之散漫川陝終無收束者似較安
善夫兵貴神速

聖心之盼掇孔殷

臣

身任經畧自應晝夜趕緊辦理

惟是用兵已至五六年之久逐日奔馳刻無寧
息壯勇者亦形羸弱法令所到能責以力之所
能不能強以情之所不能卽如賊匪分股奔逃
我兵不得不分路跟剿一遇追逐甚緊未嘗不
償程至一百數十里與賊相遇或斬其頭目或
併殲淨其餘黨亦所間有而要非可必有時鍋

帳纔到方期駐營食息之時賊又往往乘夜潛
逃分而或合甚至伺我疲乏乘間劫營抄前斷
後我兵一經喫虧非一兩旬整頓不能復振情
事不一臣思維再四舊兵雖有疲乏究多熟練
續調補額之兵初到時亦覺奮迅登山涉水不
旋踵而亦形勞頓與舊者無二現在師行只有
漸漸逼賊一處再行緊辦又前此到處設防以

冀揣賊去蹤便於痛剿乃所設營卡疊遭衝突
治罪纍纍再三申令總以地方遼闊兵數單薄
前後左右難於兼顧竟鮮實效今擬將各處防
堵之兵除防江外悉行調撥入於現有剿兵之
內一體分隊圍偏但指定方向而前不必以速
遇賊匪日日交鋒爲事每日行程不過五六十
里如與賊相近原可整旅併力出擊賊匪敗遁

亦可乘勝兼程剿滅如另股較遠又當相機再
逼似此我兵可以蓄養精銳糧運可無缺乏卽
馬匹亦不至倒斃過甚迨至賊匪盡歸一處四
面兵力俱厚自能設法一鼓掃蕩若剿堵兵力
不敷之處各州縣向會募有鄉勇又有團練倘
大兵至某州某縣剿賊卽將該處鄉勇團練壯
健者挑選一二千名隨同協剿過境仍留本處

防堵則該勇熟悉地勢我軍既得其力而該勇
漸知紀律回至本處堵禦亦可有爲再防兵旣
撤賊匪一無阻隔亦尙非萬全之策有如堅壁
清野實爲制賊要著現在川省寨堡結實民心
急公故賊匪不敢深入滋擾此其明驗而陝楚
兩省向會結寨甚屬寥寥是以賊匪東遁西逃
仍有人可擄有食可掠而堡寨所以不能辦齊

之故又以賊之倏去倏來躲避不暇遷延耽擱
今大兵分別排進兵過賊盡凡川陝楚邊界擇
地悉可結寨團勇倘各邊界深入數百里之間
層層俱有寨堡則民間共有蔽護收割之糧食
悉歸存貯別無遺留設或賊匪逸至數百里之
內無可擄掠卽不能存活又焉能遠越他處地
方官且可於各寨堡豫行運貯糧石以備官兵

莽入剿賊支給之用賊則饑餓難行官兵則飽
騰可戰寧有不克提之理第查各該省通行結
寨團勇非有專員督率勸導難期迅速此時用
兵省分本任州縣均有應辦運送糧石軍火地
方等事不及分身料理各該省雖有候補試用
人員可以差委而甫經到來未曾得缺又資斧
拮据竊思隣省及南方省分當

國家有事之際官員亦應分任其勞應請每省酌撥在任已久之道各一員府州縣等官數員前來分派川陝楚三省分段次第專辦既用各該員之材兼用各該員之力其結寨之處或用木竹或用土石隨其地之所宜給以鎗礮刀矛藥丸用資捍衛官員時以大義勸導民雖至愚亦無不顧其性命樂於從事但使辦之得法不數

月可以全成如蒙

俞允應令各督撫轉飭各該員由驛速來毋許逗遛該員等到來數月之內分辦完竣實心出力者

臣必會同此間督撫保薦陞擢或竟不認真辦

理卽予嚴叅治罪均於辦竣之日卽行各歸本

任

額勒登保又奏言竊

臣欽奉

諭旨飭查恒瑞現在何處堵剿賊匪查恒瑞久歷戎
行節年因賊匪滋擾於一切防剿等事躬親督
辦亦屬認真惟從本年四五月間患病後以年
近六旬又未得加意調治時發時止總未復元

臣前在西鄉境內與之會晤見其精力難以支

持氣體實屬瘦弱臣亦曾爲籌計恒瑞以受

恩深重惟思方圖報効不肯離營現在西鄉鍾家溝

堵截賊匪亦甚嚴密茲蒙

聖主特加垂詢

臣

竊念當此軍務緊急之際恒瑞自

未肯稍卽安閒但其疾病纏綿究屬不便查西

安爲省垣重地

臣

近在子午峪見副都統祥保

文弼詢知存營滿兵尙有二千餘名祥保文弼

於一切操防事宜自能料理裕如而積年用兵

調派官兵以及撥用馬匹在在均須整理且西

安相距南山不遠賊匪出沒無定一時如須帶
兵堵擊祥保文弼到任未久究恐不能熟諳若
有恒瑞回至西安率同經理更爲妥協

臣

今擬

以恒瑞所帶直隸等省綠營官兵悉歸慶成統
領所有隨帶西安滿兵二百餘名查有原任副
都統降爲佐領之和興額舊係西安駐防官員
於滿營事宜熟悉應將此項滿兵卽交和興額

管帶隨同長麟慶成等堵剿恒瑞尙有所帶西
安軍標兵五百餘名隨征既久恒瑞卽可帶回
西安歸伍操防更可節省鹽糧而恒瑞在省藉
以將息病體且與祥保文弼等商辦一切於滿
營益見整飭其南山各峪口外以西爲盤屋廓
鄂東南爲藍田商州均不過二三百里之隔皆
係平原設遇剿潰零匪竄近峪外恒瑞就近並

可與祥保文弼三人商酌分帶馬步精兵出而
截擊以顧平原更得放心剿賊再查止月十四
日穆克登布帶兵在四畝地一帶與賊接仗留
守營盤之兵只二百餘名賊匪分股衝撲營盤
遊擊周國平始原率兵力禦後實因兵少賊多
牆壕未能堅固夫役人等先行驚散以致賊匪
撲近營卡周國平力不能支與各兵奮力突圍

而出臣細加查訪周國平尙無畏蕙豫先退避

情事但紀律所在周國平未能顧住營盤罪無

可辭是以臣昨於該遊擊到營之時當卽摘去

翎頂重責宣丁各營知悉今蒙

皇上訓諭謹詳晰奏明仰懇

聖恩將周國平革職留於軍營仍令奮勉自贖嗣後

果能愧奮出力臣卽奏請降等補用若再有貽

悞奏明卽行正法再臣更有請者用兵日久各

將領備弁中始終奮勉者實不乏人而始勤終
惰者亦時有且其中更有憚於久役以革職
爲可置身事外者當此用人之際如遇此等官
員若竟行叅革一時熟諳之員旣不多得且轉
遂其苟且偷安之私意嗣後除有玩悞失機情
罪較重者仍行按律定擬叅奏嚴辦外其有過

出有因尙可輕貸者

臣

卽責懲示儆或摘去翎

頂或降等補用核其情罪辦理責令自贖若能
愧奮出力再行奏請陞賞如仍不出力復有延
玩則是怙過不悛亦無可愛惜輕則革職永不
敘用重則奏明卽於軍前正法如此分別懲治
各該員自無不咸知儆懼均奏入

上命軍機大臣傳諭額勒登保曰此次額勒登保率

同札克塔爾將樊人傑一股賊匪截向西南未令
北竄而冉學勝股匪現經綸布春汪啟等由鎮安
蹣跚而進額勒登保飭令該提鎮等在商雜邊界
併力截剿若能將冉學勝一股殄滅卽有零星餘
匪亦可逼回西南與額勒登保合力趕剿自易得
手務須努力迅速辦理毋稍遲緩至所稱將各股
賊匪逼歸楚境荆襄地方三面濱臨大江定可一

鼓掃蕩一節所見非是斷不可行宜昌荆襄漢陽等處寬廣數千餘里多係繁庶之區若令各股賊匪由二竹一帶悉行竄往則沿途蹂躪戕害生靈裹脅日衆賊勢必至鴟張卽有大江亦不能阻隔焉有讓賊以完善地方再圖逼剿之理又所稱請令各省道府州縣等官分派數員至川陝楚三省協辦結寨團勇事宜亦屬非是該員等從他省調

往於該處道路民情豈能熟諳必至呼應不靈徒
勞無益況大功將屆垂成復向各省紛紛檄調亦
非尅期可到實不成政體此等團勇守禦事宜本
屬川陝楚三省地方官之責節經降旨令該督撫
各飭所屬認真辦理所有節次發往陝省効用道
府人員已屬不少卽尙不敷差遣額勒登保亦當
與長麟等商酌具奏朕不難再行簡發至築堡一

事川省辦理最爲認真本係官與民共任其事若
陝省民心不一原不能強以所難且斷非一兩月
所能猝辦之事朕盼望歲功日深焦切豈能坐待
築堡曠日持久乎額勒登保初意欲逼賊全歸川
陝邊界以便聚而殲洗所見甚是不可因目前賊
勢稍覺散漫輒思改弦更張漫無把握額勒登保
務當堅持本意先將漢江以北冉樊等逆剿辦淨

盡卽萬不得已亦當過南岸與高馬等逆驅令
入川易於集事斷不可令賊竄往楚豫現已令德
楞泰帶兵來陝額勒登保更可與之會合夾擊昨
據德楞泰等奏殲斃首逆楊開第齊國謨共殲擒
賊匪三四千人大獲勝仗而額勒登保自到漢北
以後何以未能痛殲賊匪卽本日所奏亦不過分
派截剿情形總覺遲緩現距釋服之期不過三月

朕盼望歲事日甚一日總期賊匪早就蕩平則百姓早免一日荼毒而朕心亦稍安現在賊匪既不可用撫額勒登保惟當以剿爲主認真辦賊將各匪層層緊逼奮勇剿殺以期迅速集事不在議論紛更徒爲紙上空談也至所稱各處設防兵勇除江防外悉行調撥入於現有剿兵之內一體分隊圈備一節事屬可行此項兵勇以防堵爲名而賊

來仍不能截住剿殺且在無賊處所終年株守徒費廩給甚屬無謂額勒登保自當隨地調用多得剿兵並可免長途追逐之勞更爲有益再所奏請令恒瑞回至西安一摺恒瑞患病後氣體尙弱未能在營打仗自應准其回至西安藉資彈壓除恒瑞原帶軍標兵五百名令其帶回歸伍操防外其餘綠營官兵並西安滿兵額勒登保現已分交慶

成等統領剿捕所辦甚是至遊擊周國平既無畏
蕙退避情事著照所請將周國平革職留於軍營
効力贖罪此外在營各員如有不肯出力者著額
勒登保查明據實奏倘核其情罪過重必須按
律定擬正法以肅軍紀朕必准所請斷不稍從寬
貸也

欽定剿平三省邪匪方略正編卷一百二十四

庚申年

十二月十三日

辛酉

陸有仁奏言伏查西鄉江岸

自前月冉學勝樊人傑等兩股由瓦脊溝茶鎮

竄過之後此外並無另有過江之賊卽如高二

馬五等股賊匪前由紫陽竄入石泉在沿江梅

湖柳溪一帶窺伺總兵劉之仁擊退後卽竄至

西鄉之老漁壩江岸慶成帶兵趕到以少擊眾

大獲勝仗賊卽向南奔竄又川匪一股竄至南
鄭廟壩欲圖乘間過江經長麟督同副將蕭福
祿等截擊復被該處守卡義勇放鎗滾石協同
剿殺賊卽竄回南江臣當將義勇等獎賞鼓勵
近日祇有此兩股賊匪窺伺江岸俱經逼回並
未令其竄過江北額勒登保前奏西鄉漁壩街
竄過一股自卽係樊人傑冉添元等緣茶鎮江

岸綿長漁壩街係小地名惟臣與長麟等所奏

皆係茶鎮而額勒登保據石泉稟報具奏又稱

漁壩街地名似屬兩歧其實祇此一股該處係

總兵關騰防守業經長麟等奏請革職至冉學

勝一股於前月二十四等日竄至棧道高橋

舖等處十八九等日據報綸布春汪啟等帶兵

由廢邱關一帶截剿賊卽折回仍由留壩江口

東竄並未擾及甘境又前據西鄉縣稟報德楞
泰賽冲阿由太平帶兵追賊已至西鄉之仁村

一帶臣當卽派委糧員攜帶餉銀馳往供支嗣

又准長麟知會接德楞泰來信已由西鄉移至
廣元擬卽移師來陝剿賊臣復派員在寧羌一

路伺備近據探報德楞泰等因南江巴州一帶
尙有賊匪業由廣元折回剿辦尙不能卽來陝

省等因此前後據報之實在情形也連日又據探報冉學勝樊人傑等兩股賊匪在寧陝地方會合奔竄經楊遇春帶兵於喬家溝口截擊殺獲二三百名散出難民六七十名俱係被裹未久有家可歸之人當經酌給路票盤費派役護送寧家賊被官兵截爲兩股一股折回寧陝之金雞河一股竄至孝義廳屬之沙坪一帶逼近

廳城東南可通鎮安北面可翻秦嶺出大峪口
又盤屋虎豹河一帶亦有賊匪滋擾該處距黑
水峪等處甚近或係冉樊二逆分股或卽係伍
懷志股匪據報未甚明確現在飭查經畧額勒
登保督同楊遇春綸布春汪啟穆克登布胡定
泰等由五郎江口一帶取道進剿得信較近自
已隨地分兵截剿如能繞出賊前由東北逼至

西南辦理自易得手又東路青號賊匪徐添德
及黃號股匪在平利孟石嶺一帶竄合總兵喜
明馬玉魁藩司溫承惠等追至石紫河將賊截
爲兩段黃號一股潰入文彩溝青號一股尙存
一千數百人竄入楚省邊界之漆扒地方溫承
惠等現在分投截剿又安康洧河據報尙有龍
紹周苟文明等股賊匪滋擾

臣現已咨行喜明

馬玉魁溫承惠等酌量分兵兼顧庶不致日久
蔓延此時各路官兵分投馳剿所需糧餉隨處
均應接濟臣惟有於趕緊籌運之中時時覈實
摺節奏入

上命軍機大臣傳諭陸有仁曰陸有仁奏探報陝省
各路剿賊情形與額勒登保長麟慶成等所奏大
畧相同至所稱德楞泰等因南江巴州一帶尙有

時稽察爲要但辦理糧餉固係陸有仁專責而地方堵禦之事尤關緊要該撫身任封圻豈僅以籌辦餉項遂爲盡職卽如摺內咨行喜明馬玉魁溫承惠等酌量分兵兼顧一節喜明馬玉魁係派令帶兵之人陸有仁固當咨會剿辦尤應飭令所屬地方文武於各卡隘實力防堵以專責成且防堵一事節經降旨諭令該督撫一律妥辦現在川省

辦理築堡團勇之事甚爲認真賊匪無從掠食不能入住是以接踵竄入陝省而陝省之防守不嚴亦可概見陸有仁祇當嚴飭各員悉力堵禦不得僅以遵照行文卽爲了事如陝省各股竄匪逼向西南或回川省或至甘境尙非該督撫之咎若不嚴密防範致賊匪向東北奔逸竄往楚豫甚至逸入西同鳳完善地方必將該督撫及地方疎縱

各員嚴行治罪决不稍貸慎之

同日倭什布奏言竊_臣帶領竹谿之兵前赴官

渡策應旋據探報徐逆由竹谿東南之蘿蔔灣

至三去溝大小西河等處滋擾有北竄竹山之

勢_臣查竹山縣范繼昌捐創城池民俱復業附

郭人烟稠密萬一被其蹂躪不成事體_臣飛調

派防官渡之副將吉林泰率兵趕回隨同迎剿

惟是賊情詭詐東南一路總屬可虞正慮兼顧
爲難於十二月初一日准長齡移知在交贊垵
接獲勝仗大挫賊鋒高家營潰匪已向西奔並
據孫清元知會高逆由樟村坪烟墩垵清陽河
一帶逃竄現從金斗坪取道房縣抄擊是長齡
明亮孫清元等之兵已從東來若遇徐逆東竄
正可迎頭遏擊卽飛致長齡等酌分兵力顧住

東面

臣

率同吉林泰於初二日改由田家壩前

進未刻行抵羊灘我兵正涉溪溝上山見有賊
匪由西面山腰轉灣北竄路徑逼仄僅容一人
上下均係陡險不能展布鎗礮亦難排放該匪
等搖旗吶喊勢甚兇惡亦限地勢不敢壓撲吉
林泰密令二竹練勇從後面爬上山梁

臣卽率

馬步官兵躍溝遶至北面仰上施放鎗箭該匪

等拋擲石塊相持一時之久首領楊儒等同練
勇十餘人已至山巔賊匪亦有從西面搶上俱
經練勇擲石擊斃並推滾巨石下壓該匪等始
行退走我兵逼過西面地勢稍寬該匪等拚命
狂奔臣卽派叅將烏爾卿額馬德舒遊擊蘇法
那候補遊擊三福拉哩并叅領定柱等分帶馬
步官兵隨同吉林泰治趕十餘里時已昏暮卽

行紮住訛據生擒賊匪程有才李亦供稱均係
四川人掌櫃姓徐管事是張元帥前日從老林
翻山過來不想百姓都已上寨無處擄食張元
帥說此處離竹山不遠可分路前往城廂擄掠
糧食就分一半人走東路一半從田家壩直奔
縣城此間有七八百人兩個僞總兵帶領一姓
任一姓梁俱不知名字還有一僞先鋒俞文志

適已滾跌崖下等語查該匪均係積賊當卽正

法此次共斃賊匪七八十名

臣

查此股賊匪敗

逃南竄必以我兵躡追正擬抄回迎頭截剿接

據竹山縣范繼昌稟報探知賊匪現在秦口兩

道河一帶滋擾探馬已至九里崗查秦口正在

該縣之南離城僅八九十里

臣

隨於初三日趕

抵霍河口查秦口迤東由羊子山大木廠可通

均穀爲該匪熟逕如我兵南向秦口恐該匪已
疾趨而東則成尾追之勢轉恐逼之深入正探
賊蹤相機前進據房縣稟報高家營一股已從
上龕北竄初一日擾至橫谷河與徐逆相隔不
遠是日孫清元已抵房縣查此兩股賊匪必俱
逼使西去方易辦理當卽飛移長齡孫清元明
亮等分兵自南而北卽自北而南於陳家鋪

一帶攔其東竄大木廠等處之路適接長齡來
字以糧餉急需接濟

臣

聞信甚爲焦急查糧餉

行軍要需

臣

嚴催省襄鄖三局源源撥濟並因

兵行無定往來深山頻多阻滯分飭各屬隨處
探路運供前據保康縣楊開鏡稟報親身押糧
解赴長齡等軍營並稱奉派差弁迎提解營餉
銀先經襄局撥解赴鄖嗣接另發傳牌由中途

截回改道解至保康該縣楊開鏡探知長齡之
兵由重馬二坪百福頭前進仍應由南漳一路
解送以期迅速等情

臣

恐其輾轉稽延卽經飛

移長齡孫清元飭知隨營糧員就近專差迎提
並飭據南漳縣稟覆趕緊轉解今此項餉銀尙
未解到自因長齡等率兵躡賊而西又致左誤
現當剿辦喫緊之際誠如節奉

聖諭必使士馬飽騰方能得力查長齡明亮孫清元
之兵以次俱由房縣西向而高徐二逆勢將合
夥我兵不爲牽綴可以并力聚殲正是極好機
會吉林泰自隨臣一載以來凡遇接仗無不衝
鋒克敵深得軍心足可獨當一面臣帶兵來往
後路催辦一切道路隔遠殊慮稽延已飭吉林
泰卽帶現有之兵自北而南移會長齡等由南

而北以期夾擊集事

臣

暫駐竹山適中之地督

辦後路糧餉一俟解貯充裕再行酌量辦理此
次兵勇間有傷亡另容查明咨部

同日書麟奏言

臣

兼程行走沿途探聞賊匪情

形茲於十二月初七日行抵襄陽接據竹山縣
知縣范繼昌稟報高馬二股賊匪於十一月二
十三四等日由興山竄至東湖之廟垭一帶經

總兵孫清元統領兵練搶上廟埡將賊壓下追至陳家坪約有賊匪數百突出抗拒兵勇連隊擁進賊衆抵敵不住向交戰埡而逃兵勇正在追剿突有伏賊千餘衝出以死抵敵兵勇卽分四路進發衝擊自辰至未追殺二三十里斃賊五百餘名生擒百數十名逃出男婦難民無數餘匪晝夜奔竄現已至房縣保康之柏木青陽

河一帶總兵孫清元帶領兵勇由房縣金斗坪
等處前進又探得徐添德一股屯聚竹谿之三
級埡該處與竹山房縣均屬連界恐致東竄現
經撫臣倭什布派撥兵練赴房竹交界之陳家
舖一帶攔截等情伏查竹山房縣均在竹谿之
東今經倭什布派撥兵勇前赴房竹交界攔截
自可無虞東竄臣現無兵可帶卽趕赴房竹一

帶如遇官兵卽察看情形督率堵剿仍一面飛飭下游各營縣一體多募鄉勇嚴密防堵毋使竄擾再查襄陽軍需局應貯兵米已於十一月內運解無存續經藩司撥運荊門等處三千餘石及奉

旨截留漕米六萬石均尙未解到因思軍糧爲官兵日食急需必應寬爲儲備庶源源接濟無虞匱

乏且恐陝省官兵或因追躡賊匪前至楚省會
剿則兵糧卽應就近支給尤當預爲籌備楚省
撥解之米係溯流而上誠恐緩不濟急查有江
西省撥運陝省兵米一十萬石分作五批行走
其前四批米八萬石業由襄陽轉運前進現有
第五批米二萬石適到襄陽應於此內暫行借
留一萬石以備接濟其餘一萬石催令委員迅

速趕運前進在陝省已有陸續運到米九萬石
似不致卽虞缺乏而楚省得此一萬石實爲有
益臣一面飛行藩司將撥解荊州等處之米及
截留漕米迅速勒催趕運來襄俟貯米稍裕卽
將借留陝省之米委員運還不得遲誤

同日長齡奏言竊

臣

等於前月二十三日在東

湖交戰垵一帶將高二一股痛加殲洗該匪經

此痛剿不敢東向仍折回西北由興山房縣山

僻小路狂奔

臣

會同明亮孫清元分道截剿正

擬乘勝殲除本月初三日趕抵房縣馬攔口接

准倭什布知會徐添德一股於二十四日由竹

谿釘鉅溝竄入二十五日已至王家山等語又

據房縣知縣稟報初三日已至房境之漳洛河

秦口一帶查該處直向東趨即可下達均穀該

匪屢次竄擾楚省熟悉路徑一經竄過房境不
特散漫難以收拾更屬不成事體自應先截其
東竄之路又於初四日接據桃花山卡守備金
鴻翮稟稱探得黃毓賊匪一股由陝省之化龍
山一帶於二十七日由蓮花山竄入本境亦向
東南而來等語又接兵勇探報高二一股已與
竄來之二股合夥臣等熟爲計議賊匪三股其

勢稍重

臣

等現在帶領本省官兵及德楞泰前

次派來山東雲貴官兵統計三千餘名隨於初

五日統領卽由獅子巖迎頭截剿

臣

抵蒙古寺

瞭探馬步賊匪四百餘名見有官兵卽折回奔

逃

臣

等因其不拒而奔難保無設伏誘敵之奸

計若就此追趕反虞疎漏必得分路進兵方可

得手當令富翰塔津保托爾托保等帶領馬隊

分爲三路臣長齡帶領侍衛常祿呢瑪善等爲

一路臣明亮帶領侍衛恒崑雙福等爲一路臣

孫清元帶領副將朱士奉王懋賞等爲一路各

自躡覓進剿行不數里各山埡伏匪紛紛突出

竟敢抗拒臣長齡督率兵勇奮勇迎截立斃一

百餘名衆匪毫無退怯前後左右蜂擁衝突極

爲克悍實爲可恨正在相持之際臣明亮抄至

賊匪之後臣孫清元從山梁下壓富翰等三路

馬隊衝擊鎗箭並發立斃賊匪二百餘名兵勇
乘勢圍剿復斃賊三百餘名生擒七十餘名搶
獲旗幟騾馬器械不計其數該匪卽折回西北
逃竄馬步各兵儘力追殺四十餘里直抵秦口
時已向晚該處路徑紛歧難以窮追歸集各兵
暫爲紮住當將獲犯訊供據王楊等七十三名

供係青號掌櫃徐添德元帥張允壽前在陝省
南坪茅家壩與官兵接仗逃至化龍山計議仍
往楚省道路熟識容易掠食又據張尙力等供
是黃號掌櫃樊人傑元帥張秦劉崔四姓不知
名字前在平利一帶焚掠度日聽見青號一股
從漆扒一帶已到湖北我們亦由化龍山繞至
蓮花山跟著進來初三日在八寶溝趕上青號

合營又有高掌櫃一股亦在青號營內青號有
二千餘人高掌櫃有一千餘人我們黃號有四
五千人想由秦口奔三教堂大木廠入鄖陽府
要想到均州穀城不料今日被官兵殺敗他們
不知何往等供其餘脾頭戰手等三十三名久
經打仗概行正法又王國清等四十名均係沿
途被裹良民當卽給與路票釋回原籍查該匪

等歷次竄擾楚省蔓延最久此次復敢合夥而
來卻仗

天威得以迎頭痛剿不敢東向仍復西奔得免下竄

均穀但各該匪俱係詭譎萬分趨向難定倭什

布現在竹山已飛咨就近截剿

臣

等探明跟蹤

前進以期迅速藏事此次打仗副將王懋賞副

叅領富永吉林馬甲納蘇肯黑龍江馬甲伊里

善保均受矛傷兵勇間有損傷容俟查明各節
辦理均奏入

上命軍機大臣傳諭書麟倭什布長齡曰徐添德股
匪在竹谿東南大小河等處滋擾有北竄竹山之
勢倭什布率同副將吉林泰奮力截剿共殺賊七
八十名並殲斃偽先鋒俞文志未令賊匪竄近竹
山所辦尙好其高二一股現已據長齡奏到該逆

與青號徐添德黃號樊人傑偽元帥張秦劉崔四
姓合夥計圖竄往均穀經長齡與明亮孫清元由
獅子巖分路迎截殲賊五百餘名追殺四十餘里
直抵秦口賊匪仍復西奔不能下竄均穀所辦亦
好但高二徐添德兩股前經官兵剿殺人數已屬
無多今又有黃號闖入賊匪增添四五千入其勢
又未免鴟張尤應迅速搜捕倭什布已派吉林泰

帶領現有之兵自北而南現在長齡等探明賊蹤
跟躡前進正可兩面夾擊務須倍加奮勉乘賊匪
敗竄之際卽在楚省地方將三股竄匪併力殲除
若能迅擒首逆剿淨餘黨卽爲伊等之功必加優
賞如一時未能剿淨亦必將賊匪逼向西趨此時
已令德楞泰帶領大兵赴陝協剿正可迎頭截殺
乘勢合擊以期一鼓撲滅又據書麟奏於本月初

七日行抵襄陽探聞賊匪情形馳往會同剿辦其
軍營需用糧餉此時各路兵勇會齊合剿尤關緊
要所有餉項前據倭什布奏請添撥已照數撥給
銀六十萬兩自爲充裕至軍糧一項現據書麟奏
將江西運陝兵米截留一萬石並飛行藩司將撥
解荊州等處之米及截留漕米趕運來襄俟貯米
稍裕卽將借留陝省之米委員運還等語斟酌緩

急機宜通融籌畫所辦甚好且湖北中晚二稻據
倭什布奏收成其計七分有餘糧價自應平減軍
營應需糧石更可就近採買書麟務須與倭什布
悉心經理源源接濟俾得士飽馬騰一舉集事又
據長齡奏此次黃號賊匪據桃花山卡守備金鴻
翮稟報該匪由陝省之化龍山一帶於二十七日
由蓮花山竄入本境等語此一節應嚴行查辦楚

省邊界俱有派出弁員分投防堵何以竟任賊匪
闖入前此川匪竄渡漢江其守卡之員究因賊多
兵少力不能支並有禦賊陣亡者其咎尙屬可原
今該備金鴻翩旣駐紮桃花山何以於陝匪竄至
時並未見率勇堵截僅以一稟塞責著書麟查明
蓮花山接連楚境處所是否卽係該備金鴻翩防
守汛地踈虞縱賊抑另有派防員弁一併據實嚴

行叅奏楚省防堵事宜向來廢弛貽誤書麟必須
大破情面力加整頓如該省文武有怠玩退避之
員皆當隨時叅劾一振委靡積習不可稍有姑息
如慮人不敷用卽行奏請揀選發往該督前在滇
省剿辦猓黑極爲迅速是以調用湖廣總督務將
一切剿堵事宜妥爲籌辦督飭所屬實力奉行惟
期將各股賊匪在楚境剿淨剋日成功佇膺懋賞

以副朕期望委任至意前此高二竄入楚境及徐
添德接續竄楚之處皆在書麟未經到任以前卽
現在黃號一股亦與伊無涉此後若再有他股賊
匪突入楚境書麟卽不能辭其責且高二馬五現
在平利一帶游奕難保其不接踵東竄書麟尤當
督飭弁員加意防範毋使乘間逸入爲要

十八日

寅 丙

上命軍機大臣傳諭額勒登保長麟陸有仁慶成曰
昨令軍機大臣訊問跟隨遣回吉林殘廢兵丁之
教匪子孫喜兒等據供賊匪裹脇之人並非甘心
順從恐被頭目殺害大家害怕不敢投出其所擄
婦女如遇官兵剿捕令其假扮男賊拒捕敗竄時
將不能行走者先行殺害各等語此種情形朕所
稔知自賊匪起事以來迄今五載焚燬村莊將搶

掠婦女幼孩隨地慘殺荼毒生靈實堪憫惻每念
及此寢食靡寧推原未能迅速戡事之故總因賊
匪遇官兵剿敗後恃其熟悉路徑亡命逃竄使官
兵不能趕上而官兵每日奔馳卽精銳趨健者亦
必漸形疲乏不可不亟思改計此時各路征調官
兵不爲不多若復似此輾轉追逐卽使再行檄調
亦屬無益且所添者多係新兵更難得力朕思各

路派防兵丁於無賊之時與其空閒株守莫若令
原管將弁等隨時操練俾得嫻熟技藝悉成勁旅
並將可撤之防兵調令隨營征剿便可多得數路
剿兵一俟賊匪竄近卽令奮力迎敵跟蹤緊躡此
路追兵所不及之處又有他路接剿替換攻擊賊
匪自必救死不暇而官兵可以更番休息是防兵
皆可作剿兵之用使賊匪到處受敵我兵不致勞

乏於目前剿賊機宜自有裨益再賊匪伎倆總在
隨處裹掠雖經官兵痛加殲戮所剩無幾而潰敗
餘匪沿途逼脇難民不數日又成大股與未經剿
殺無異惟在地方百姓認真團勇築堡人自爲戰
保護室家多一自守之民卽少一脇從之賊近來
川省辦理此事最爲認真是以賊匪無從掠食不
能存住陝省卽間有一二處砌築堡寨而人心不

齊未能一律安辦以致川匪接踵闖入雖該省百姓未能如川民之富庶但小民亦具有身家豈有任賊殘燬不思捍衛之理該督撫應勸諭居民以賊匪擾及該處百姓等倘被裹脅則廬舍家室已不能自保及官兵到時賊匪將裹脅之人迎前抗拒我兵剿殺必致玉石不分何如悉力團勇築寨俾賊來不能裹脅無從掠食百姓等均可自保身

家如有能殺賊立功之人必當奏明給予官職如
此剴切開導庶百姓等深知利害可收衆志成城
之效若云陝省民力稍艱亦當官爲設法豈可置
之不辦並著長齡等詳加訪察將陝省團勇築堡
應如何籌辦之處悉心妥議速行具奏總之地方
官實心出力則事半功倍矣

臣等謹案教匪之請張爲幻也總在趨向無

定但於深山密林中枝竄疾馳不煩裹糧頓
宿之勞肆其擄人掠食之計官兵一經追蹙
卽健旅皆致疲困數年來伎倆益不越此我
皇上神謨遠燭以剿捕責之帶兵大員防堵責之地
方大吏且爲籌堅壁清野之策固已三令五
申

訓示周至茲因勢匪子孫喜兒等跟隨兵丁過京

特命傳訊賊情知婦孺之多被慘殺

軫念生靈亟圖長策

諭令各路防兵隨時操演以作剿兵之用又以川省
團勇築堡有效令陝省實力倣行剴切勸諭
凡厥庶民各有身家其孰不爭先趨事奔走
禦侮以殲此羣醜哉

十九日

丁卯

德楞泰勒保奏言

臣

等前於渠縣之

安仁溪兩臺山並巖隴之走馬坪觀音河等處
兩次痛剿楊開第李炳顏勝可齊國謨魏棒棒
等各股賊匪殲斃首逆楊開第齊國謨並擒獲
賊匪三四千人李炳等率敗殘餘黨一千人向
巴州恩陽河折竄臣等於初一日探得賊匪分
爲兩股一由閬中之龍山一由巴州之南垓場
奔逃臣德榜泰取道魚溪過街樓等處追剿龍

山一路之賊初三日趕抵該處賊已西竄行走
甚速隨取捷徑兼程趕往迎截初六日抄出餓
子壩趕上賊尾該匪一見官兵亡命狂奔賽沖
阿溫春阿穆勒塔色爾滾馬瑜等帶馬隊馳追
殄斃步賊二百餘名生擒王貴等八十三名該
逆等遂連夜翻山奔逃訊據王貴等供稱此股
係李楊二逆餘黨李炳被剿情急有要進老山

與另股合夥之語查獲賊王貴陳士禮等五十
四名訊係老教戰手均卽正法其餘范祿等二
十九名訊係新擄難民卽按名給發路票銀米
遞回原籍妥爲安置

臣

德楞泰仍卽緊躡追剿

臣勒保由晉口興龍場一路取道南垓場途次

巴州之龍角寨登高寨據寨首杜國學楊宗璽
等來營稟稱昨賊過山下經團勇截殺尾賊三

十一名拏獲活賊孫慶等十七名押解前來訊
明俱係從賊日久逆匪均已一概正法梟首杜
國學等已賞給銀牌面加獎勵旋由華溪寺趕
至通江之烏林垵正值賊匪在山坳內炊飯阿
哈保薛大烈永寧等帶領馬步官兵直前剿殺
該匪等登時紛紛潰散當斃賊匪百餘名搜擒
馮中坤各犯亦卽訊明辦理計兩路賊匪除盡

次擒殄並沿途逃散外現在所剩不過六七百人旋探各逆狼狽已極日夜狂奔均至南江縣之乾溪合爲一股向平河北竄有入廣元寧羌

老山之勢

臣

德楞泰於初九日趕至乾溪口

臣

勒保亦於是日由塘房壩前來兩路官兵會合
適接准提臣七十五來信廣元李家壩兩河口
現有陝省竄來賊匪一股滋擾已派撥都司田

中桂帶兵五百名兼程前赴廣元與副將永寧
會同嚴堵又有一股賊匪在廣元銀磨壩一帶
屯聚約二三千人初二日分兵兩路進剿派侍
衛武隆阿營長傅森額等帶兵由乾龍洞左手
山梁出銀磨壩截其東北竄陝之路七十五督
同副將張良槐等帶兵由覽石窟截其西竄五
郎廟之路武隆阿傅森額等馳抵銀磨壩時雪

霧交作趕上賊匪立殺百餘名擒獲劉正等二十九名追殺三十餘里賊向柘塢河竄走七十五一路行至三溪寺卽有賊數百人前來當卽督兵剿殺雲騎尉德克登額守備張君泰首先衝入賊遂敗潰順溝奔上右手大山正在攻搶間忽見柘塢河溝內突有賊匪抄來七十五督率將弁兵勇分投力敵鎗箭齊發擊斃馬賊三

各步賊十數名雪霧愈大山上之賊見溝內賊
至又復下壓守備張君泰把總張恩錫額外副
前鋒校倭仁額藍翎長阿林泰殺賊數名均力
戰陣亡適武隆阿追賊趕來併力剿殺賊卽敗
向茶店埡逃去其獲賊劉正向其才等五十二
名訊據劉正供稱此股賊匪元帥係辛聰約有
二千餘人由陝西七眼洞來川要在老山裡躲

兵不料又遇官兵打敗等語卽於訊明後分別辦理惟雲騎尉德克登額受矛傷腿受石傷各一處額外前鋒校廣太腿受石傷一處所有傷亡兵勇俟查明另報等語查七十五所剿辛聰賊股現竄廣元縣屬李家灣一帶又據探報李炳等敗殘餘匪趕上辛聰等賊股業已合夥均向趙家營一路逃去又探得廣元之鸞嘴巖亦

有賊匪滋擾據逃出難民張俊等供稱係張士
龍阮正潮陳朝觀等合夥約有三四千人因陝
西官兵卡緊不能過去又聽見楊開第等都被
四川官兵殺斃不敢出山是以總在界上老林
內藏匿各等語查各股賊匪先後向廣元寧羌
邊界前竄如果各逆合夥正可聚而殲旃惟據
川東文武稟報開縣雲陽一帶現有不知姓名

賊股由大寧金竹坪竄來查川東一帶地方久

已肅清是以

臣

等均在川之西北剿辦川東實

在空虛茲既有賊竄來若不分兵往剿勢恐蔓

延

臣

等會同籌計

臣

勒保卽自乾溪口帶兵折

回徑赴川東探明賊蹤進剿

臣

德楞泰一面知

會七十五由五郎廟三家壩一帶進兵迎截該

匪等竄往西面江岸之路

臣

卽親自帶兵入山

由平河野人材前進此一帶地方山高林密冰
雪甚大但賊匪旣在該處藏匿官兵自無不能
行走之理再查辛聰張士龍阮正潮李炳陳朝
觀等逆現在屯聚之處俱在川陝交界老山之
中我兵若由北面進剿必須由廣元繞出寧羌
道路紆遠有需時日恐賊匪又行他竄必致追
趕不及是以臣現擬由東而北令七十五由西

而北務將各股賊匪逼令南入川境剿辦易於
得手第賊股較多一經被剿或恐分股北竄當
卽飛行知會長麟慶成於邊界各要隘嚴密防
堵萬一賊匪北竄可收兩面夾擊之效臣等惟
有趕緊剿辦務期合境廓清仰紓

宵旰奏入

上命軍機大臣傳諭德楞泰勒保曰李炳等敗殘餘

匪由閩中巴州地方奔竄德楞泰勒保七十五帶
領官兵分投追剿三路殲擒賊匪五百餘名而辛
聰賊股又由陝竄入廣元李炳等敗殘餘匪趕上
與之合夥又張士龍阮正潮陳朝觀等亦在該處
老林內藏匿德楞泰等會同籌計德楞泰帶兵入
山搜剿勒保卽折赴川東探蹤進擊並知會七十
五由五郎廟一路進兵迎截所辦俱好前因川境

賊氛已遠漢江以南各股竄匪勢較鴟張是以諭
令德楞泰帶兵赴陝察看何處緊要卽赴何處剿
辦今陝省賊股又分路折竄川境復與前此情形
不同現在勒保已分兵前赴川東進擊若德楞泰
卽行赴陝則川北祇有七十五一人恐難得力此
時德楞泰又應仍在川省督率剿辦不必卽赴陝
境德楞泰現擬由東而北令七十五由西而北務

將各股賊匪逼令南入川境所見甚是且李炳等
餘匪疊經剿殺日夜狂奔狼狽已極德楞泰正宜
趁此剿除淨盡並將山內潛匿之辛張等逆設法
轟出一併殲除不必急於赴陝致剿剩餘匪乘機
裹脅又成大股應俟川省各股竄匪將次剿淨可
交七十五接辦再赴隣省協剿彼時察看何處緊
要或應赴陝或應赴楚相機辦理朕亦不爲遙制

至竄入雲開賊股大約卽係高家營之賊自因楚
省追剿緊急是以復思闌入川境其餘添德一股
恐亦接續竄川勒保現赴川東務須趕緊剿辦與
德楞泰同心併力將各股竄匪卽在川東川北境
內痛加殲戮於朕釋服以前一律辦竣卽爲伊二
人之功朕必加之懋賞不可僅以驅逼出境卽爲
完事雖伊等未必能將陝省各匪全行兜逼入川

悉數辦淨其已竄入川者必當乘勢殲除不可復
任逸出倘堵剿不力又致賊匪他竄則伊二人不
但無功而有罪矣再此時已近歲除卽交年節朕
廑念軍務晝夜焦勞且在二十七月之內更復何
心度歲卽德楞泰勒保剿辦各股賊匪未能歲事
亦自不因年節稍有鬆懈前此魁倫卽因新年在
雷音舖久住冬日致賊匪竄渡嘉陵江德楞泰等

尤當引以爲戒但賊匪無知惟以擄掠爲事如徐
添德前在川省曾有過生日之事此時節屆新年
或教匪羣聚爲樂人心渙散亦屬事之所有德楞
泰等轉不妨陽爲度歲示之以隙仍密探賊股如
有因值年節酣歌懈縱之處卽乘其不備帶兵奮
擊亦未始非出奇制賊之一策也所有此次殺賊
陣亡之守備張君泰把總張恩錫額外副前鋒校

倭仁額藍翎長阿林泰俱著咨部賜卹